




مبادئ الحياة الروحية
(١٢/٣)

كيف نقرأ الكتاب المقدس؟ بطريقة مبسطة و عملية



إعداد
بيت محبة الله

سلسلة مبادئ في الحياة الروحية
(١٢\٣)

كيف أقرأ الكتاب المقدس بطريقة مبسطة وعملية

إعداد
بيت حبة الله

اسم الكتاب : سلسلة مبادئ في الحياة الروحية.
(١٢/٣) كيف أقرأ الكتاب المقدس
إعداد: خدام بيت محبة الله للطلبة المغتربين.

رقم الإيداع: ٢٠١٦/٧٤٥٥

الترقيم الدولي: I.S.B.N ٩٧٨-٩٧٧٩-٠٣-٨٥٩-٩

* لنا رجاء فى المسيح ان تصل هذه
السلسلة إلى يد كل شاب مسيحى بأقل
تكلفة.

*يمكنك ان تشاركنا هذا الرجاء باهداءها
لأصدقاءك واحباءك.

ملاحظة: للإستفادة الكاملة من هذه السلسلة الرجاء قراءتها بترتيب
الأجزاء كاملة فعدم الترتيب يمكن أن يسبب تشويش وعدم الاستمرار
قد يسبب إحباط.



قداسة البابا تواضروس الثاني
بابا الإسكندرية وبطريك الكرازة المرقسية (١١٨)

تقديم

هذا هو الجزء الثالث من المنهج الروحي المبسط نرجو أن تقرأه بترتيب الأجزاء وتطبق خطواته البسيطة في حياتك اليومية، لكي تكمل المسيرة في طريق النمو الروحي. فنحن نتعلم الحروف في اللغة لكي نكون كلمات ونكون الكلمات لكي نتكلم بجمل مفيدة، فالخطوات المتراكمة في الحياة الروحية هامة للاستمرار والإثمار.

وهذا الجزء هو طريقة مبسطة لتسمع صوت الله من الكتاب المقدس، فنحن نكلم الله من خلال الحوار معه بالوجه المكشوف والقطاعي، وهو يرد علينا من خلال كلمته، فالكثيرين يتسألون كيف نسمع صوت الله؟! نسمع صوته بأن نصغي لكلامه ونفهمه، وإلا سنظل غرباء عن الله، هو يتكلم ونحن في توهان عظيم وغربة عن كلمات محبته. وهذه خطوات عملية ومبسطة - مجل - لتسمع لصوت الله وتفهمه. وتلكر دائماً "البداية مش كفاية".

الرب يعطينا أن نستمر في النمو الروحي ونميز صوته الجميل بشفاعة أمنا العذراء وصلوات أبينا المكرم البابا تواضروس الثاني. ولإلهنا المجد في كنيسته إلى الأبد آمين.

في الطريق الذي اسلكه باستمرار للقاء أبي رأيت فأراً يجري أمامي فخفت للحظة وواصلت المسير بسرعة، وعندما قابلت أبي قال: سلام يا ابني إيه اخبارك؟

قلت: الحمد لله. من ساعة ما أخذت ازاي اتغلب على الأفكار الدنيا احسن كثير وخصوصا طريقة الطبيب النفسى والصلاة السهمية. بس مش عارف (يتلخبط في الكلام).

قال: ما لك يا ابني؟!

قلت: كنت عاوز اسأل سؤال غريب شوية يا أبى؟

قال: اتفضل خد راحتك يا ابني.

قلت: إيه الفرق بيني وبين الفأر؟

قال: يا ترى إيه هو الفرق. من وجهة نظرك يا ابني؟

قلت: أفكر أنه العقل يا أبى؟

قال: يتهياً لى أن الفار عنده عقل برضه. لما تقفل الباب يدور على الشباك يخرج منه، لما يشوف حد يهرب، وفيه ناس عقلها صغير وفيه ناس عقلها كبير، دا حتى لو حد من غير عقل (مجنون يعنى) يفضل إنسان وليه حقوق الإنسان كاملة.

قلت: طيب الفرق ايه يا أبى؟

قال: الفار، جسد ونفس بس. لكن الإنسان، جسد ونفس
وروح. فالفرق الجوهرى بين الفار والإنسان هو **الروح**، فلما الفار
يموت ينتهى، لكن الإنسان لما يموت الجسد بس اللى ييموت لكن
تفضل الروح. وزى ما الجسد يأكل ويتغذى. الروح برضه محتاج تأكل
وتتغذى.

قلت: طيب والروح بتأكل إيه يا أبى؟!
قال: الجسد يأكل لحمة فراخ، رز فول عدس، الروح تأكل كلمة
الله. علشان كده الكتاب المقدس بيقول (ليس بالخبز وحده يحيا
الإنسان بل بكل كلمة تخرج من فم الله) فالخبز مهم لكنه مش كفاية.
لأن الإنسان مش جسد بس، الروح محتاجة تتغذى واللى مش ها
يغذى روحه، روحه هاتتضعف وممكن تموت، ويبقى جسد بس وروحه
تكون ميتة زى ما بيقول الكتاب المقدس "إن لك اسما انك حي وأنت
ميت" (رؤ ٣ : ١). والمثل بيقول "دا ميت بالحيا". ودا اللى بيخلى
الملحدين بيقولوا إحنا هانموت زى الحيوانات ما بتموت ومافيش حياة
أبدية لأنهم مش بيجدوا روحهم فبيبدأوا يعيشوا الموت من هنا.

قلت: ياه يعنى اللى مش بيتغذى من الكتاب المقدس بيبكون كأنه
مش إنسان!! دى حاجة صعبة خالص. طيب قل لي يا أبى طريقة

سهلة علشان أبدأ واستمر في قراية الكتاب علشان فيه أوقات بابدأ وماستمرش أو اقرأ وما ستفدش.

قال: قبل ما أقولك على ازاي تقرأ هاكلمك عن فوايد كلمة الله علشان الواحد لما يكون مدرك أهمية اللي بيعمله هو دا اللي يخليه يستمر. فيه ثلاثة فوائد يا ابني للقراية في الكتاب المقدس أول فائدة أنه

تفذية.

فمكتوب في (ث ٨ : ٣). "ليس بالخبز وحده يحيا الإنسان بل بكل ما يخرج من فم الرب يحيا الانسان".

هاحكي لك قصة يا ابني. هاجر شخص في القرن ١٩ لأمريكا وهناك قالوا له "زى مانت شايف. الدنيا واسعة هاتخذ مزرعة وحمار وثلاثة بقرات، تزرع قمح ليك وتزرع برسيم للحمار والبقر، لكن خلى بالك بتيجي أوقات بتحصل مجاعة ومحدش بيع قمح، فاعى تنسى تزرع قمح كفاية. قال "اكيد طبعا لازم نزرع قمح امال ها نعيش ازى!! لكن مع الوقت كتر البقر، وبدا يزود في مساحة البرسيم ويقلل مساحة القمح. فقال في نفسه "ياه عندنا بقر كتير مش محتاجين نزرع قمح عاوزين مساحة كبيرة تكفى البقر". وفي سنة من السنين حصلت مجاعة وخلص القمح وحاول يشتري لكن محدش يرضى بيع له. فبدأ

بيكى ويقول "أنا جعان، عاوز قمح، أنا تعبان، حد يدينى قمح بأى
تمن يا ناس!! أنا جبته نفسى!!! ليه مازرعت قمح وزرعت كل الأرض
برسيم. اعمل إيه دلوقتى آكل برسيم. ممكن حد يدينى قمح. قالوا له
"كل واحد بيكفى نفسه. وليه ماكتتش حكيم يا ابنى وأخذت بالك
من نفسك وزرعت قمح". وفعلا محدش أعطاه قمح وفى يوم كان فيه
ناس معدية جنب المزرعة لقيوه ميت وجانبه الحمار كمان ميت، فقالوا
"مسكين مات الحمار ومات الراجل زى الحمار".

ودا مكتوب فى سفر اشعياء (اش ١ : ٣) "الثور يعرف قانيه
والحمار معلق صاحبه أما إسرائيل فلا يعرف شعبي لا يفهم".
قلت: مش الناس ممكن تزعل لو قلنا اللى مش يقرأ الكتاب يشبه
الحمار!!

قال: طبعا هازعلوا لو قلنا اللى مش هايقرأ الكتاب تموت روحه
وهايشبه الحمار!! لكن مش هازعلوا لو قلنا اللى مش هايقرأ الكتاب
هايبعد عن المسيح ويروح جهنم!!! لأنهم عايشين على مستوى
الجسد. محتاجين فكرنا يتغير ونفكر شوية على مستوى الروح مش
مستوى الجسد.

قلت: ياه!! فعلا الواحد ييزعل لو حد قال انه يشبه الحمار وما يزعش ولا يتأثر لو انه هايروح جهنم. فعلا حاجة عجيبة ماكنتش واخذ بالى منها. فيه حاجات كتير محتاجة تتغير جوايا.

قال: وأنت هاتزرع قمح واللى هاتزرع برسيم؟!

قلت: هازرع قمح طبعاً.

قال: تزرع الاتنين يا ابنى. نختم بالجسد ونختم بالروح، لكن نبقى عارفين أن حياتنا فى الجسد مهمة ومهم نختم بيها لكن نبقى عارفين برضه إنها مؤقتة، لكن حياتنا فى الروح هي بداية الحياة الأبدية من هنا وكل يوم نغذى الروح بكلمة الله واللى مش هايقرأ الكتاب كل يوم هاتضعف روحه شوية شوية ومش هايقدر يقاوم الخطية، فتدخل جواه وتفسد حياته ويموت وهو حى.

قلت: طلع الموضوع كبير يا أبى، وأنا باقول ليه أنا ضعيف قدام الخطية علشان مش بأتغذى كويس من الكتاب المقدس.

"اه يارب يسوع سامحنى على إهمالي وكسلى وبالرغم انى بأهتم وبعمل حاجات كتير مش مهمة وبـ ضيع وقت كتير فى الفيس والنـت والأفلام واللعب وكل حاجة ليها وقت عندى إلا الانجيل باز ساه وأقول مافيش وقت علشان كدا عايش ضعيف قدام الخطية والحقيقة مش عايش. افكر نفس حر لكنى عبد لخطايا كتير مش قادر عليها

كأنى فعلا مش إنسان. سامحنى يارب سامحنى يارب على كسلى وإهمالي، ساعدنى عد شان افهم ان كلمتك هى الحياة ومن غيرها انا ميت. قوينى علشان اهتم وماكسلش تانى يارب يسوع".

قال: مالك يا ابنى سرحت في إيه؟

قلت: سرحت في الكلام اللى بيتقوله لي يا أبى ضعيت سنين كتير وأنا مش فاهم وعایش ضعيف ومش باتغذى من كلمة الله. وكنت فاكـر نفسى عایش لكن ما كنت عایش. ولكن إيه الفائدة الثانية لكلمة الله يا أبى؟

قال: أول فائدة للكتاب أنه تغذية وتانية فائدة يا ابنى أنه

نور

زى ما هو مكتوب في (مز ١١٩ : ١٠٥) "سراج لرجلي كلامك ونور لسبيلي".

قال: فكلام الرب هو نور لينا في ظلمة الحياة واللى هايهمل في معرفة الكتاب هايعيش في ظلمة ويكون عبد لابليس.

كان فيه شاب في الصعيد كان رايح يروى القصب بتاعهم بالليل، أبوه قاله له "خذ معاك الكشاف علشان الجو ليل". فقال "لا أنا متعود على الطريق". أمه قالت له "ليه يا ابنى دا فيه عصابات بتخطف الناس زى ما أنت عارف".. قال ليها "لا ما يهميكيش

ابنك سبع ومش بيخافش من حد". قالوا له - "إحنا عارفينك سبع بس خد كشاف علشان تشوف الطريق ومتمشيش فى حتة غلط". لكن مسمعش الكلام وبدأ يمشى وسط القصب ودخل فى طريق غلط وبالرغم إنه كان فيه أثار كثير تدل على إنه ماشى غلط لكن الجو كان ظلمة ومكانش معاه نور ومن غير ما يحسلقى نفسه وسط العصابة وامسكوه، وربطوه. وقالوا له "جيت برجليك مش هانسبيك لحد اهلك ما يدفعوا مليون جنيهه يا إما هانموتوك".

فكدا برضه اللى ها يهمل فى قراءة الكتاب هايمشى فى ظلمة وها يمشى فى طريق الشر ويروح لإبليس برجليه والشيطان هايربطه بالخطايا ونجاسات العالم وفى النهاية هايموت.

فالكتاب المقدس هو نورك وسط ظلام العالم. أوعى تهمله لحسن تعيش فى الظلمة والشيطان يربطك ويخليك عبد لشرور وخطايا وفى النهاية تكون فى ظلمة أبدية.

قلت: ياه!! علشان كدا أنا وشباب كثير زى بنصرخ من ضعفنا قدام الخطية والسبب إننا أهملنا فى قراءة الكتاب فمشينا فى الضلمة لحد إبليس ما ربطنا فى الشر والنجاسة. لكن إيه الفائدة الثالثة لقراءة الكتاب يا أبى؟

قال: ثالث حاجة فى أهمية الكتاب المقدس انه

سلاح

بولس الرسول يقول في عب ٤: ١٢ "كلمة الله حية وفعالة وأمضى من كل سيف ذو حدين". واللى مش هايمسك السيف بتاعه، هاتغلب وينهزم قدام ابليس وهايكون عبد للخطية ونجاسات العالم، والسلاح بتاعنا قدام إبليس هو كلمة الله. والرب يسوع لما الشيطان جه يحاربه على الجبل ما كنش بيتفاوض معاه لكن كان يرد عليه بكلمة واحدة.

قلت: إيه هي يا أبى؟!

قال: كلمة **مكتوب** فكلمة الله هي سلاح إن مسكته تغلب وان سييته يغلبك إبليس ويخليك عبد للخطية.

فى وقت حرب من حروب أوربا الحديثة، كان فيه جندى بيحارب على دبابة تعمل بشعاع الليزر. فبمجرد أن يظهر الهدف تتوجه ناحيته الدبابة وتستنى ان العسكرى يدوس على الزرار لإصابة الهدف، لكن العسكرى ده كان كسلان وماكنش بيتدرب ازى يشغل الدبابة وكانوا يقولوا له "خد بالك ممكن تيجى الحرب وأنت مش مستعد تبقى مشكلة كبيرة". كان يقول "وقت الله يعين الله. خليها على الله". قالوا له "ايوه خليها على الله. لكن لازم تستعد لازم تجتهد وتدرب على السلاح اللى فى ايدك". وفعلوا فى يوم قامت حرب وحصل هجوم

على كتيبة الجندى ولما جه يستخدم الدبابة معرفش. فقال العسكرى
الكسلان "أه أه اعمل ايه مش عارف استخدم الدبابة أنا قصرت أنا
مهمل ياه هاموت هاموت". وهجم عليه جيش العدو وأخذوه أسير
وربطوه بسلاسل، وبدأوا يذلوا فيه.

قال: واحنا برضه كدا لو أهملنا فى سلاحنا اللى هو الكتاب
المقدس ومعرفناش نستخدمه هانكون مذلولين قدام ابليس ويأسرنا
ويذلنا بالخطية ونصرخ ونقول احنا تعبانين!! ليه مش قادرين نقاوم
الخطية!! ودا كله علشان مهملين فى معرفة استخدام سلاحنا اللى هو
الكتاب المقدس.

قلت: أنا لازم ابدأ من النهاردة. كفاية إهمال وانشغال بأمور
العالم. كفاية ضعف وذل قدام إبليس. طلع أن اللى مش يقرأ الكتاب
مش بيتغذى ومش ييشوف ومش بيحارب يعنى زى ما يكون -
سامحنى يا أبى - حيوان أعمى ومشلول. قولى يا أبى ازاى أبدأ عاوز
طريقة عملية وسهلة علشان ابدأ كفاية كدا مش عاوز أكون كدا تانى
أبدأ.

قال: هأقول لك ثلاثة أمور تساعدك أنك تتغذى تغذية صحيحة
من كلمة الله وتستخدمها سلاح ونور علشان تنمو فى حياتك
الروحية وتتقوى قدام الخطية وتغلب أفكار إبليس.

قال أول نقطة علشان تتغذى تغذية صحيحة هي

إنك تقرأ في وقت محدد ومحدود

قلت: يعني إيه وقت محدد ومحدود يا أبى؟

قال: الإنسان بطبيعته بينسي، وعلشان تتغلب علي النسيان في قراءة الكتاب يفضل إنك تقرأ في وقت محدد. يعني حدد أكثر وقت مناسب وثبتته وأقرأ فيه كل يوم.

قلت: وإمتى يكون الوقت مناسب؟

قال: الوقت المناسب يختلف من شخص للتانى، فيه شخص يناسبه في الصباح قبل الدراسة أو الشغل، لأنه بيصحى بدرى، ولكن واحد تانى بالعافية بيصحى علي ميعاد الشغل أو الدراسة فدا يكون وقت مش مناسب بالنسبة له. وفيه شخص يناسبه قبل النوم بيكون مصحح، واحد تانى بيكون تعبان قبل النوم، وغيره يناسبه قبل الأكل. فاختر أكثر وقت تلاقيه ملائم ليك، والتزم به أشد التزام، دا كمان استमित فيه.

قلت: يعني إيه استमित فيه يا أبى؟!

قال: يعني جاهد بكل قوتك حتى الموت إنك تنفذه.

لأنه يا إما هاستमित يا إما هاتموت من الجوع
وتكون ضعيف قدام الشيطان وشهوات العالم.

ولما تجاهد في النقطة دى مع الوقت هاتكون شيء طبيعي عندك،
بأنك ماتخرجش من البيت من غير ما تقرأ الكتاب المقدس، أو إنك
ماتعرفش تنام أو تبدأ مذكرة غير لما تقرأ.

هايكون زى الأكل مش هاتعرف تعمل حاجة قبل ماتأكل.
فاتعب شوية في البداية لحد ما تبقى طبيعة عندك. فعلماء النفس
والاجتماع يقولوا اعمل نفس الحاجة في نفس الميعاد، في نفس المكان،
بنفس الطريقة، بعد ٢١ يوم، هاتكون طبيعة تانية فيك مش ممكن
تنساها بسهولة.

قلت: ليه ٢١ يوم؟!

قال: لأن أعصاب المخ هاتتبرمج على كذا وهاتنطبع فيها
الحاجات دى فهاتكون رد فعل طبيعي. يعنى زى واحد اتعود كل ما
يخرج من أوضته يقفل النور فهتلاقيه بيعمل كذا حتى لوفيه حد موجود
في الأوضة. أو واحد تعود كل ما يدخل الأسانسير يطلب رقم واحد،
تلاقيه حتى لو فيه حد طلب رقم واحد يطلبه هو كمان. زى ما بيقول
أحد الحكماء "نحن نصنع عادتنا ثم تصنعنا عادتنا".

قلت: شكله كلام حكيم لكن ايه معناه؟

قال: يعنى الواحد بيتعب علشان يحدد وقت للصلاة أو وقت
للكتاب وممكن يكون في الأول من غير تركيز كامل ومن غير مشاعر

ولكن مع الوقت (ومش وقت طويل) هاتلاقى الأمور دى بقيت طبيعية فى حياته يعملها من غير مجهود لأنه اتعود عليها ويجب الصلاة والإنجيل وينمو فى طريق القديسين وتبقى الأمور الروحية زى الإدمان مايقدرش ييطلها. والعكس صحيح.

قلت: ياه يعنى ممكن الأمور الروحية تكون إدمان!!

قال: طبعا ممكن أحب الصلاة وقراءة الكتاب وتكون زى الإدمان مقدرش أستغنى عنها. لكن فيه فرق.

فإدمان الأمور الشريرة تدى فرح مؤقت فى الأول ولكن فى النهاية حزن وكآبة وفشل يزيد يوم وراء يوم والواحد يموت بالبطئ لحد ما يموت الموت الأبدى.

لكن الأمور الروحية تبدأ بتعب وجهاد ضد كسل الجسد وشهوات العالم وفى النهاية فرح وحرية يزيدوا واحدة واحدة لحد ما يوصل الواحد للحياة الأبدية والفرح الأبدى

قلت: يعنى هندمن!! هندمن!! يإما للحياة الأبدية يا إما للموت الأبدى.

قال: فعلا يا ابنى. فمثلا اللى يتعود على أمور سلبية ويبدأها كتجربة، بالرغم أنه فى الأول ممكن يكون مش بيعبها لكن مع الوقت يبقى مدمن مش قادر ييطلها. وبرضه اللى يتعود يضيع الوقت قدام

الفيش بالساعات مع الوقت ممكن يكون إدمان وميلاقيش وقت لتغذية روحه فيموت روحيا وكدا مع الأمور الإباحية، والعادات الشريرة كلها تبدأ بتجربة ثم تعود وبعدين طبيعة حياة نستعبد ليها. زى ما بيقول مار اسحق السريانى "رباطات النفس هي العادات التي يعتادها الإنسان إن كانت بالجيد أو بالردئ".

قلت: ياه ماكنتش مدرك لخطورة التعود والعادات، ولكن هل ممكن اتخلص من التعود على الأمور شريرة دى اللى بقت زى الإدمان؟!

قال: بنعمة المسيح هانتكلم عنها بالتفصيل لما نتكلم عن سر قوة الشباب. فالمسيح جه مخصوص علشان يحرر الإنسان. والبداية إنك تتغذى بالإنجيل فمعلش هاتعب في الأول في وضع نظام محدد ومع الوقت يبقى طبيعة فيك وتبدأ تشبع بالإنجيل وتحرر من أمور الشر فلما النور ينور الظلمة هاتختفى.

فاتعب علشان تتعود على أمور تبنيك

بدل ما تتساهل وتتعود على أمور تدمرك وتذل

فيك.

قلت: ويعنى إيه محدود يا أبى؟

قال: كلمة محدد يعنى وقت ثابت وكلمة محدود يعنى كمية محدودة
تقرأها كل يوم، أبدأ بكمية قليلة واستمر فيها أفضل من أنك تبدأ
بكمية كبيرة وما تستمرش. زى ما يقولوا "القليل المستمر خير من
الكثير المنقطع".

قلت: طيب قل لى على نظام أبدأ بيه يا أبى؟

قال: إنت ليك قد إيه مقرتيش يا ابني؟

قلت: كتير يا أبى يمكن شهور.

قال: تمام هانبدأ بداية بسيطة تناسبك. نبدأ بأية واحدة كل يوم.

(طبعاً اللي ليه نظام مستمر في القراءة يكمل فيه)

قلت (مقاطعاً): آية واحدة بس. مش كذا قليل اوى.

قال: معلش يا ابني امشى معايا خطوة خطوة علشان نقدر

نستمر، فزى ما قلنا قبل كذا البداية مش كفاية المهم الاستمرار. آية

كل يوم لمدة أسبوع والأسبوع الثانى آيتين والثالث فقرة والرابع نصف

إصحاح وكمل على كذا سنة والسنة اللي بعدها اصحاح واللى بعدها

إصحاحين. تتقدر تعمل كذا.

قلت: موضوع بسيط ممكن أقرأ أكثر من كذا كمان.

قال: معلش ماتزودش عن كذا ولما ما تقرأش أكثر من أسبوعين

إبدأ الموضوع من الأول آية وآيتين وهكذا.

قلت: وآية واحدة ممكن تبقى كفاية لتغذية حياتي الروحية!! مش ممكن أقول آية مش هاتؤثر وتخليني أهمل في قراية الانجيل؟
قال: الطفل الصغير لو وكلوه معلقة زبادى وكوباية لبن كل يوم ممكن يعيش بيها.

قلت: ممكن يعيش بيها طالما طفل صغير.
قال: لكن لو ماأكلش حاجة خالص ممكن يعيش؟
قلت: لا طبعا أكيد هيموت.

قال: وأنت كدا في حياتك الروحية ابدأ خطوة خطوة علشان تقدر تكمل وما تستهينش بالقليل وهو دا اللي هاخليك تعيش في حياتك الروحية ومع الوقت تنمو وتستمر وتكمل لكن لو مرضتش بالقليل وماقريتش خالص مع الوقت تضعف وتموت. وبولس الرسول بيقول في (عب ٥ : ١٢) "وصرتم محتاجين إلى اللبن لا إلى طعام قوي. وفي (١ كو ٣ : ٢) بيقول "سقيتكم لبنا لا طعاما لانكم لم تكونوا بعد تستطيعون"

قال: فانموا قليل قليل زى الأطفال واعرف أن الشيطان هايحاربك بالقفزات الروحية.

قلت: وياه هي القفزات الروحية يا أبى؟

قال: الشيطان لما ما يعرفش يوقف العربية يدوس بنزين. يعنى لما ما يعرفش يحاربك بالكسل ها يحاربك بأنك تقفز وتقرأ كميات كبيرة ما تقدرش تستمر فيها فتكسل وتزهق وتبطل تقرأ خالص.

قلت: إزاي يا أبى؟

قال: يخليك تقرأ كميات كبيرة ممكن أسفار كاملة بالثلاثين والخمسين إصحاح في اليوم، وبعدين يقول لك تقعد عليهم ثلاثين أو أربعين يوم ما تقراش.

بعد الصوم الكبير في الصعيد كان فيه أسرة ذبحت حروف في عيد القيامة، فقال ابنهم الصغير أنا أخذ نصيبي من الحروف وأأكله، أبوه قال له "خذ اللي إنت عاوزه يا حبيبي" فقال له الابن "أنا أخذ ربع الحروف وهأكله كله مرة واحدة، علشان إحنا طالعين من الصوم الكبير". قالت له أمه "أهو موجود في الثلاثجة ولما تحب تأكل كل اللي تقدر عليه". فقال "أنا هاخلصه في يومين". وفعلا في خلال يومين كان أكل جزء كبير من ربع الحروف. صبح وظهر وليل. المشوي والمسلوق. طبعا تعب وجاله عسر هضم. وبطل يأكل خالص وبعد ثلاثة أيام شافه أصحابه تعبان. صاحبه شافه وقال له "مالك تعبان، باين عليك مش بتأكل كويس" قال له "أكل إزاي!!". قال له "تأكل زي كل الناس. ما بتأكل". قال "أنا واكل ربع حروف. يعني أقعد

عليه أسبوعين أو ثلاثة من غير أكل. هل فعلا يقدر مايكلش
أسبوعين أو ثلاثة اسابيع!!

قلت: طبعاً لا، دا حتى لو أكل جمل مش ممكن يقدر يقعد حتى
ثلاثة أيام من غير أكل.

قال: علشان كدا أقرأ قليل باستمرار ولما تتحارب أنك تزود ارفض
علشان ما يحصلكش تخمة وتزهق من الانجيل.

قلت: طيب. بتيجي أيام بيكون ما ليش نفس أقرأ في الإنجيل يا
أبى. أعمل إيه؟

قال: أقرأ في الأيام دى حتى لو آية واحدة، اضغط علي نفسك
بقدر الإمكان، وزى ما هانعرف مراحل الصلاة أن فيه مرحلة أسمها
مرحلة التغصب زى ما الرب يسوع قال "ملكوت الله يغصب
والغاصبون يختطفونه" كدا برضة يا ابني في قراءة الكتاب المقدس
اضغط على نفسك قليل قليل لحد ما ترجع لك المشاعر تانى، زى
ما بتيجي أوقات بيكون الواحد ما لهوش نفس يأكل وخصوصاً لما
بيكون مريض أو تعبان ومرهق ولكن لازم يأكل حتى ولو بالعافية قليل
قليل، علشان يخف من المرض.

قلت: طيب فيه أوقات كتير بأقرا ومش بأفهم يا أبى أعمل إيه؟

قال: دى النقطة الثانية. النقطة الأولى علشان تستفيد من الكتاب المقدس إنك تقرأ في وقت محدد ومحدود والنقطة الثانية هي إنك

تصلي صلاة الفهم

قلت: وإيه هي صلاة الفهم يا أبى؟

قال: كلام الكتاب المقدس هو رسالة الله ليك فاطلب منه أنه يفهمك ويعرفك إيه الرسالة اللى عاوز يقولها لك كل يوم. فكل يوم قبل ما تقرأ صلى وقول

"يا رب علمني وفهمني عاوز تقول لي إيه النهارده"

قال فالفهم مهم جدا يا ابني وتكررت كلمة الفهم أكثر من ٣٠ مرة في العهد الجديد فمكتوب في (مت ١٣ : ١٩) "كل من يسمع كلمة الملكوت ولا يفهم فيأتي الشرير ويخطف ما قد زرع في قلبه هذا هو المزروع على الطريق".

قال: يعنى اللى هاقرا من غير ما يفهم يأتي الشرير ويخطف الكلمة وما يستفدش حاجة وما يكونش فيه نمو في حياته الروحية. لكن الكتاب يقول عن اللى بيفهم في (مت ١٣ : ٢٣) "وأما المزروع على الأرض الجيدة فهو اللى يسمع الكلمة ويفهم و هو اللى يأتي بثمر:" قلت: وازاى افهم يا أبى!!

قال: الله هو اللى بيدى الفهم فمكتوب فى (لو ٢٤ : ٤٥) "حينئذ
فتح ذهنهم ليفهموا الكتب" وبولس الرسول يقول لتيموثاوس فى
(٢ تي ٢ : ٧) "ليعطيك الرب فهم فى كل شيء"
قلت: وازاى ربنا هافهمنى؟

قال: طالما طلبت ربنا فهو لازم يسمعك ويستجيبك. وممكن اللى
تقرأه النهاردة تستفيد منه بعدين بعد شهر أو حتى سنين، فتلاقى
نفسك فى يوم تفتكر آيات وتستفيد منها فى موقف معين وتكون
قريتها من شهر أو حتى من سنين، فالوعد واضح فى (أشع ٥٥ :
١١) "كلمتي لا ترجع إلى فارغة بل تعمل ما سررت به و تنجح فيما
أرسلتها له"

قال: فالله ما عندهوش زمن. ماضى وحاضر ومستقبل. فكل
شيء حاضر عنده. فلما تطلبه هاستجيبك وإحنا بنشعر ونستفيد
بالاستجابة فى الوقت المناسب حتى لو بعد سنين طويلة.

فى إيطاليا كان فيه واحد من أعضاء المافيا متخصص فى سرقة
البنوك دخل بنك قبل ما يقفلوا بعشرة دقائق وراح لأمين الخزنة وطلع
مسدس وقال "مافيا. أنت فلان الفلانى ومراتك فلانة الفلانية وأولادك
فلان وفلان. حط كل الفلوس هنا فى الشنطة يا إما مش أنت بس
اللى هاتموت لكن أنت وكل أسرتك! ها!! قال أمين الخزنة خاف

وقال "بتوع المافيا دول شرانيين اديلوا الفلوس واتسجن أنا أحسن ما تموت أسرتي كلها". قاله السارق "بعد عشرة دقائق ممكن تصرخ. تستدعى البوليس. تعمل اللي أنت عاوزة. لكن قبل كدا اعرف إنك مش أنت بس اللي هاتموت. فاهم!!". وفعلا أخذ الفلوس وكان مستنيه تاكسى أخده وراح بيه لمحطة القطار علشان يركب القطار الدولى من إيطاليا لفرنسا ووصل للقطار في آخر دقيقة وعلى ما ركب القطار اتقفل الباب وطلع على طول وهو داخل سمع اتنين كانوا بيتكلموا مع بعض ولما اقفلوا الباب واحد قال لصحبه. "أوه اغلق الباب. القطار هايطلع. وكملوا كلامهم عادى، لكن الكلمة فضلت تتردد في ذهن الشخص اللي من أعضاء المافيا. لكن كلمة اغلق الباب. أخذت تتردد في ذهنه "اغلق الباب. اغلق الباب". فقال لنفسه "ايه يعنى خلاص اغلق الباب. خلاص كلمة وانتهت شوف ها تقابل باقى أعضاء المافيا في فرنسا والا في سويسرا وازاى هاتختفى الفترة اللي جاية. لكن الكلمة ماكتتش عايزة تطلع من دماغه. فقال لنفسه "اغلق الباب اغلق الباب. ايه سمعتها فين الكلمة دى. ياه قريبها زمان. قريبها في الانجيل لما كنت في أولى اعدادى. خمس حكيما وخمس جاهلات واغلق الباب وجاء الرب يسوع. طيب لو جه الرب يسوع دلوقتي هاكون فين. ياه كنت كويس كنت مواظب

على مدارس الاحد ايه اللي ضيعنى كدا. لا لا لازم ارجع لازم اتوب قبل ما يغلق الباب. وفعلنا نزل في اول محطة وركب القطار اللي راجع وقدام هيئة النيابة سمعوا أغرب اعتراف في حياتهم. "وأغلق الباب" كلمة واحدة قراها في طفولته غيرت مجري حياته. فحاول انك تفهم يا ابني اللي بتقراه ودى كلمة الله، فالله احسن حد ممكن يفهمك والطريقة سهلة انك تطلب. واعرف أن كلمة الله لا ترجع فارغة فحتى لو بعد سنين هاتستفيد منها. فافتكر كل يوم قبل ما تقرا انك تصلى وتقول "يارب علمنى وفهمنى عاوز تقولى إيه النهاردة".

قلت: هاطلب يا أبى هاطلب علشان افهم بدل ما بقرا من غير فهم فازهق وماكملش.

قلت: وإيه هي النقطة الثالثة يا أبى علشان استفيد؟

قال: النقطة الأولى كانت في وقت محدد ومحدود والثانية صلاة

الفهم النقطة الثالثة هي ثلاث كلمات صغيرة ولكن عملية

عيش ومثل وصلي

قلت: يعنى إيه يا أبى عيش ومثل وصلى؟

قال: أول كلمة عيش. يعنى نعيش الكلام اللي بنقراه، وننفذ

الوصايا ونطبقها في حياتنا. زى ما يقول الرب يسوع في (يو ٦: ٦٣)

"الكلام اللي أكلمك به هو روح وحياة" وبرضة يعقوب الرسول يقول

في رسالته (١ : ٢٢). "كونوا عاملين بالكلمة لا سامعين فقط خادعين نفو سكم". زى ما يسمع الابن المطيع كلام أبوه الحبيب وينفذه ولأنه واثق أن كلام أبوه لخيره ولمصلحته وحتى لو كان صعب عليه في البداية ولكن لأنه واثق أن أبوه يبيحه وعارف مصلحته فيتحمل الحد مع الوقت يتعلم ويفهم. لكن لو الواحد قرأ وماطبقش يكون زى ما يكون واحد كل ما يأكل يتقيأ (يرجع) اللى بيأكله. هل هايستفيد حاجة يا ابني؟

قلت: طبعاً لا. لكن ممكن تديني أمثلة يا أبى؟
قال: فيه واحد مثلاً يقرأ كلام الكتاب "لا تخرج كلمة قبيحة من أفواهكم" وبعدين يطلع بره البيت ويقول كل كلام لا يليق من كلام القباحة والسفاهة، دا مش ها يستفيد حاجة، دا فعلاً زى اللى بيأكل ويرجع فهل يستفيد حاجة الشخص دا مهما أكل؟
قلت: طبعاً. مش هايستفيد حاجة. الصراحة مثال صعب يا أبى.
قال: فعلاً حاجة صعبة فالشخص اللى يقرأ ويعرف الوصية وبعدين يعمل عكسها. زى ما يكون شاب أبوه يوصيه وهو يقول حاضر يا بابا ويطلع يعمل عكس اللى قال له أبوه تماماً.
قلت: دا زى ما يكون بيغيظ أبوه. لكن افرض انه صعب إنه يطبق الوصية؟!

قال: طالما هو من جواه مش عاوز يكسر الوصية دا كويس جدا
ولو ضعف وكسر الوصية يرجع ويعتذر وشوية شوية هايفهم ويتغذى
ويتقوى ومحدش يقدر يغلبه أو يضحك عليه.
قلت: وازاى أعيش الوصية وأطبقها بالرغم من حرب الشيطان
على؟

قال: البداية تبدأ من الإرادة. يعنى إنك تبقى عاوز تطبق الوصية
وتانى حاجة إنك تعرف إنك لوحدك مش هاتقدر وتالت حاجة إنك
لو سقطت ماتياأس وماتبررش بل ترجع وتقدم توبة وتثق في الغفران
الكامل مهما كانت خطيتك وتبدأ من جديد.

قلت: لكن فيه وصايا صعبة يا أبى زى ""أحبوا أعدائكم باركوا
لاعنيكم" أطبقها ازاي. ممكن حد ظلمنى حد أعثرنى الموضوع صعب؟
قال: موضوع الغفران هاتخذه بالتفصيل في سلام الغفران. لكن
البداية إنك تقر بضعفك وإنك مش قادر تطبق الوصية وتانى حاجة
تطلب نعمة المسيح وتفضل تكرر الوصية وتقول "أحبوا أعدائكم
باركوا لاعنيكم" وتصلى وتقول " ساعدنى اطبق و صيتك أنا يارب
وحدى ضعيف". ومع الوقت هاتبدأ مشاعر الضيق وعدم القبول دى
تقل لحد ما ييجى وقت وتختفي فيه المشاعر السلبية وتحل مكانها
الحبة.

قلت: والموضوع ها يكون بالسهولة دى يا أبى؟

قال: طبعا الموضوع مش سهل فى بدايته لكن خليك جاد وعندك

الذين يعرفون
الكتب المقدسة
يسهل عليهم
التضرع في
صلاة حقيقية

رجاء ومع الوقت هاتتغير طبيعتك لكن ركز

إنك ترد على الفكر الشرير بإنك تكرر الوصية

فزى ما بيقول أنبا مقار — أن الوصية قوتها فيها.

قلت: يعنى إيه الوصية قوتها فيها؟!

قال: يعنى مجرد إنك تكرر الوصية قدام

ابليس هاتأخذ قوة وتنتصر. فالرب يسوع لما كان الشيطان بيحاربه

ماكنش بيرد عليه غير بكلمة مكتوب. كان بيستخدم الوصية اللى

الشيطان بيحاول يخليه يكسرها. وأنت زى كدا لما الشيطان بيعجى

يحاربك بالادانة مثلا ككرر لا تدينوا فلا تدانوا ولما يحاربك بأنك تبص

بصه شريرة ككرر ترنيمه العفة

ترنيمه (عهدا) ٣ قطعت لعينى (فلا أتطلع إلى عذراء) ٢

قال: وكدا مع كل أفكار إبليس كل ما بيعجى الفكر إفضل ككرر

فى الوصية لحد ما ينتهى.

قلت: دا عن كلمة نعيش، طيب ويعنى إيه كلمة نمثل؟

قال: كلمة عيش يعنى إنك تعيش كلمة الله أى تعيشها وتطبقها

فى حياتك اليومية.

أما كلمة **مثل** يعنى تأخذ دور في الجزء اللى هاتقرأه من كلمة الله، وتخط نفسك داخل القصة اللى بتقرأها.

قلت: ازى يا أبى؟

قال: أنت شوفت فيلم أبى أندراوس الصموئيلي، وازى كان ييمثل قصص الكتاب المقدس؟

قلت: أيوه كان بيأخذ دور الشخصيات ويمثلها

قال: أنت برضة خذ لك دور في القصة اللى بتقرأها ومثلها. زى قصة زكا، تخيل نفسك زكا، وصعدت للجميزة، والرب يسوع يمر من تحت الشجرة اللى في أول الشارع وبص عليك وقال لك "انزل يا حبيبي. أنا هاجى معاك النهاردة واقعد معاك وأبيت عندك في البيت". وتخيل إنك في حجرتك دلوقتى والرب يسوع معاك وقال لك عاوز إيه يا حبيبي. يالا خذ دقيقتين في شرك وابدأ احكى معاه إتكلم معه في شرك واعمل معه حوار.

قلت: طيب أقول إيه؟

قال: قل له مثلاً "يارب يسوع انا فرحان انك عندى في البيت انا مش مصدق نفسى. بشكرك يارب انك بتحبني بالرغم من خطيئتي وسقوطي الكثير والصراحة اللى مشجعني ومخليني اصدق انك بتحبني بالرغم من خطاياي ونجاساتي انك حبيت زكا. لكن عاوز زى ما

غيرت زكا تغيرنى وزى ما حررتنه من محبة المال حررتنى أنا كمان من كل شر وخطية وعادة ردية متسلطة على أنت طيب يارب وأب حنين، اغفر لى كل خطايای زى ما غفرت لزكا وادينى ثقة انك غفرت لى كل خطايای وشرورى. انا باجيلك واللا صح دا أنت اللى جتنى يارب وأنا ماليش حد غيرك. خليك معايا يارب مستبنيش ابدأ ابدأ يارب يسوع.

قال: إبدأ فى شرك.

قلت: بصراحة طريقة حلوة خالص كانوا اسعد دقيقتين فى حياتى ما كنتش عاوز اخلى لكن خفت قدسك تزهدق منى. ممكن اخذ قصة تانية لو عندك وقت يا أبى.

قال: ممكن قصة الرجل الأعمى اللى كان جالس عند باب أريحا، وكان يبصرخ ويطلب من يسوع أن يشفيه، تخيل نفسك أنت اللى بتصرخ(اصرخ فى شرك طبعاً) والناس ينتهرونك ويسوع يناديك ويقول لك الرب يسوع "تعالى يا ابني عاوز إيه يا حبيبي أنا مستنيك". يالا ابدأ تانى فى شرك وشوف عاوز تقول له إيه قل يارب عندى بصر لكن عاوز بصيرة روحية اشوف ارادتك ومشيتك فى حياتى واعمل معاه حوار.

قلت: تمام هابدأ.

"يا رب ي سوع أنا لي عينين بأ شوف بيهم ولكني عاوز ب صيرة روحية، عاوز أعرف إرادتك في حياتي وأتممها. عاوز يكون لى عينين بسيطة زى ما خلقتهم لي يارب بدلا من الشر والخطية اللى بتعميهم. فمش باشوف غير الشر والخطية، مش باشوف في الآخرين غير انهم سبب الشهوات أو بأدينهم. ادينى بصيرة نقية يا يسوع ماتسبش الشر يعميني وينجسني، حط اديك يا يسوع علي عيناى فيتطهروا ويكونوا ليك. أنا حاولت وفشلت، لكن لمسة من يديك يا يسوع تطهر، فزى ما أدبت الرجل الأعمى الب صيرة أعطني ب صيرة نقية وطاهرة يا ربى يسوع. آمين.

قال: كل قصة كدا في الكتاب المقدس خذ لك فيها دور هاتلاقى نفسك فرحان وتحس بالكلام وما ييقاش كلام وخلاص. أصل الصراحة. الصراحة يا ابني لو قرينا الكتاب المقدس كمجرد تاريخ وقصص أول مرة هايكون كلام حلو وقصص رائعة لكن تاني مرة هاتكون عارف الأحداث، تالته مرة هايبقى عندك ملل.

قلت: ياه هودا السبب اللى كان بيخلينى أمل من الكتاب المقدس علشان كنت باحس أنها احداث معروفة.

قال: فعلا زى ما يكون واحد بيتفرج على ماتش كورة متعاد مش هايحس بالإثارة لأنه عارف اللى هايحصل أو زى اللى يشوف فيلم

حتى لو فيلم قديس، هاتشوفه أول مرة تفرح بيه، تانى مرة يقل الفرح شوية، ومع الوقت ها تبقى عاوز تشوف حاجة جديدة. فالكتاب المقدس لو ما تحولش حياة تعيشها وتدخل نفسك في الأحداث وتتفاعل مع المواقف وكأنه كتابك أنت وقصتك أنت مع الله من غير كدا مع الوقت هاتحس بالملل والزهد.

قلت: لكن افرض ما كنش فيه قصص في اصحاحات معينة. زى رسائل بولس الرسول وكثير من العهد القديم أعمل إيه يا أبى؟
قال: دى النقطة الأخيرة يا ابنى. إحنا عرفنا ازى نعيش ونطبق الوصية وازاى نمثل ونأخذ دور في الأحداث. وآخر نقطة هي أنك **تصلى.**

قلت: يعنى إيه أصلى يا أبى؟

قال: الأجزاء اللى مش هاتلاقى فيها قصص هاتلاقى فيها وعود، فالعود حولها لصلاة واستخدمها في صلاتك. فالعود ماكانتش لإبراهيم وإسحق وبطرس وبولس بس لكن لينا إحنا كمان فالكتاب بيقول "لان الموعد هو لكم ولأولادكم ولكل اللذين على بعد كل من يدعوه الرب الهنا" (٢٤ : ٣٩). فلو العود دى كانت ليهم هم بس كنا هانستفيد إيه من قرايتها غير الحسرة على حالنا وعلشان كدا ناس كتير تقول "فين إحنا من القديسين. ربنا كان مباركهم. كان

عاطيهم بركة كبيرة. واحنا فينا منهم." ويكون الكتاب بدل ما يكون سبب فرح يكون سبب حسرة ليهم.

قلت: يعنى كل الوعود والبركات اللى للاباء والرسل لينا احنا كمان زيهم بالظبط؟!

قال: طبعاً يا ابني. وعود الله لأولاده كلهم ما عندهوش فرق. هاقول لك على مبدا مهم جداً لو نفذته حياتك هاتغير كثير جداً. قلت: إي هو المبدا يا أبى؟

قال: سر قوة الكتاب المقدس انك تحولهُ لصلاة. وسر قوة الصلاة

كم أن الملك إذا كتب رسائل
لمن يشاء أن ينعم عليهم
بعطايا ومواهب خاصة
يقول لهم بادروا إلى
جميعكم لتتالوا منى علما
ملوكيا فان لم يذهبوا
ويأخذوها لا تفيدهم قراءة
الرسائل شيئا بل يستحقون
الموت.
القديس مقاريوس الكبير.
الحب الالهى ص ٩٤٩

إنك تستخدم آيات الكتاب المقدس.

قلت: ادينى مثال كدا يا أبى؟

قال: مثلاً في (أش ٤٣: ١) يقول

"لا تخف لأنني معك، دعوتك باسمك"
أنت لي". الوعد دا ما كنش لاشعياء
النبي بس لكن لكل واحد يصدقهُ
ويطالب بيه.

قلت: طيب اصلى بيه ازاي؟

قال: ممكن تقول "ماتخلينيش يارب أخاف انزع منى الخوف من
المستقبل من المجهول من الشيطان حط يارب في قلبي سلام وخليني

اثق في فدائك وغفرانك لكل خطاياى وخلينى اثق انى معروف باسمى
عندك مش مجرد واحد من مليارات وانك بتتهتم بى اهتمام خاص.
وخلينى أعيش ليك يارب مش للعالم ولا لاهوائى و شهواتى ليه يا
رب سايب العالم وشواته يدخل جواى؟! ليه يا رب تسبب الشهوات
تذلنى؟! مات سبنيش يارب حتى لو انا سيبتك ما تسيبنيش رجعتى
تانى ليك انا ملك ليك وانت م سئول عنى كل أيام حياتى يارب يا
يسوع". أمين

قلت: كلام عميق جداً يا أبى، وصلوات جميلة. ممكن وعد تانى
علشان أتعلم يا أبى.

قال: ممكن. مثلاً الآية اللى فى الانجيل يوحنا "خرافي تسمع صوتى
وانا اعرفها ففتبعني وانا اعطيها حياة ابدية و لن تهلك الى الابد ولا
يخطفها احد من يدي" (يو ١٠ : ٢٧ و ٢٨)

ممكن نصلى وتقول "يارب يسوع أنا من خرافك خلينى اثق في
كدا، لان ال شيطان بيحاول يخلينى ا شك انك بتحبني وبترعاني
علشان خطاياى الكثيرة لكن خلينى برضة اسمع صوتك واتبعك مش
اتبع شهواتى وشرورى ولو بعدت انت رجعتى وادينى ثقة في الحياة
الأبدية وانى مش هاهلك ابدًا طول ما انا معاك ومحدش يقدر يخطفنى
من ايديك ابدًا. أمين"

فكل وعد من وعود الكتاب عامل زى شيك لو حولته لصلاة تصرفه وتستفيد منه لكن لو احتفظتش بيه بس، تكون زى ما يكون واحد معاه شيك بمليون جنيه ولكنه عايش فقير ومش لاقى ياكل ولا يلبس ويمشى في الشارع ويقول "انا راجل غنى وانا معايا شيك بمليون جنيه. الناس تقول له "طيب عايش فقير وحزين ليه!!" يقول "انا راجل غنى. أنا أبويا ملك. دا أنا معايا شيك بمليون جنيه". تفتكر الناس تقول عليه إيه؟!

قلت: يتريقوا عليه ويحسبوه مجنون أو متخلف عقليا. وممكن يقولوا "ما باين عليك. رنا يشفى. مش لاقى ياكل ويقول ابويا الملك ومعايا شيك بمليون جنيه".

قال: اهو كدا كل شخص مسيحي بيدعى أن الله أبوه وانه ييقرا في الكتاب ولكن مش يثق في الوعود ولا بيطالب بيها وعاش حزين وخايف، هو مجنون.

قلت: دا فيه مسيحيين كتير عايشين مجانين وهم مش عارفين وانا واحد منهم. ولكن افرض ما لقيتش وعود أعمل إيه يا أبي؟

قال: حتى الكلام العادى ممكن نحوله لصلاة. يعنى مثلا اغلب رسائل بولس الرسول بتبدأ "بولس الرسول عبد يسوع المسيح" فممكن تصلى وتقول "يارب بولس الر سول كان عبدك ليك وخدمك بامانة خلينى انا كمان عبد ليك يارب يسوع المسيح وأخدمك بامانة كل أيام

حياتى تعالى يا رب وجدد تحريري من ال شر والخطية، خلىنى
ارجع لأحضانك مرة ثانية، أنت لا تشاء موت الخاطى، أنت جيت
عد شان تحرر الأ شرار والخطاة، فتعالى يا يسوع وحررنى، عد شان
أكون عبد لك مش لل شيطان لأنه إيه الفائدة من أنه اسمى م سيحي،
واسمك يدعى على، وأنا مش باعمل م شيئتك بل م شيئة ال شيطان
توبنى يارب فأتوب، وزى ما غيرت بولس بعدما كان شخص قاتل
لمبشر عظيم غيرنى وخلينى امجد اسمك وابشر بنعمتك واكرز بغفران
وبملكوتك زى بولس الرسول"

قلت: كل دا في كلمة عبد؟

قال: أيوه يا ابنى، فممكن تحول أي كلمة لصلاة عليك بس تبدأ
حتى ولو بجملة واحدة تصلي بيها وشوية شوية هاتلاقى نفسك كل
كلمة هاتأخذ منك صلوات عميقة تخليك تنمو في علاقتك بالمسيح.
وافتكروا دائما ان "سر قوة الكتاب المقدس انه يتحول لصلاة وسر قوة
الصلاة انك تستخدم آيات الكتاب المقدس" تبقي لينا النهاردة
تدريب مش الكل ها يقدر يعملها لكن اللى ها يعملها هایشعر بفائدة
كبيرة لحياته الروحية.

قلت: ايه هو يا أبى؟

قال: تدريب اسمه خريطة الحياة الروحية (الكشكول).

قلت: وإيه هي خريطة الحياة الروحية أو الكشكول؟

قال: أي حد كان يقعد مع أبونا بيشوي كامل كان ينصحه بتدريين أول تدريب هو صورة المسيح المصلوب ودا اتكلمنا عنه في تقديس اللاشعور والأحلام.

قلت: فعلا تدريب رائع يا أبى أنا جربته ولقيت نتيجة عجيبة في تقديس الذهن والحماية من الأفكار الشريرة، وإيه التدريب الثاني يا أبى؟

قال: التدريب الثاني هو الكشكول، يعنى تعمل كشكول يومي لحياتك الروحية. وتكتب فيه آية كل يوم وتأمل أو صلاه زى اللي صليتها دلوقتى لما أخذت دور زكا وتكتب ثلاثة حاجات.

قلت: إيه هم يا أبى؟

قال: أول حاجة حدث هام، أي حدث حصل في اليوم ولو ملقيتش حاجة مهمة قول رحى للكلية أو الشغل ورجعت، أو إن الله استجابك لطلبة طلبتها من زمان. تانى حاجة حرب روحية.

قلت: يعنى إيه حرب روحية؟

قال: حرب روحية يعنى تكتب "يا رب نجني من الأفكار الشريرة أو العادات الشريرة أو من القلق أو من الكبرياء أو الغضب أو أي شيء تتحارب به اكتبه وأطلب من الله أن ينحيك منه. ثالث حاجة اكتب طلبية. وهي ثلاثة أنواع :

أولاً طلبه روحية زى الامتلاء من الروح القدس، المحبة، الطهارة،
الانضاع، الإيمان، الحكمة، القداسة، وای أمور روحية زى كدا.
وتانى حاجة طلبه مادية زى أن الله يقف معك في الامتحانات،
في عملك، اطلبه من أجل المستقبل، من أجل مشكلة.
قلت: وهل أطلب من الله طلبات مادية؟ مش الله قال أطلبوا أولاً
ملكوت الله.

قال: لما يحتاج واحد حاجة بيطلب من أبوه ولا من الجيران؟
قلت: طبعاً من أبوه.

قال: الله هو أبوك اطلب منه كل احتياجاتك. والآية بتقول
ملكوت الله أولاً أولاً مش فقط!! فالله هو أبوك وحابب يستجيب
لكل احتياجاتك اطلب منه أي حاجة خلى ملكوت الله اهتماماتك
الأول لكن برضة اطلبه حتي أصغر تفاصيل حياتك فهو يحب كدا
خليك معاه زى طفل صغير مع أبوه الحبيب أستنى منه كل يوم
حاجة حلوة،

قلت: يعنى إيه كل يوم حاجة حلوة؟

قال: يعنى خليك زى الطفل كل يوم قل له "إيه الحاجة الحلوة
بتاعة النهارده يارب" واستنى من أبوك السماوي فتأخذ وتفرح وتشكر
فتقرب إلي الله أكثر وأكثر وتنمو حياتك وعشرتكم معه. فالرب يسوع

يتحدانا في يو ١٦ : ٢٤ ويقول "إلى الآن لم تطلبوا شيئاً باسمي اطلبوا
تأخذوا ليكون فرحكم كاملاً"

قلت: وإيه النوع الثالث من الطلبات يا أبي؟

قال: الأولى روحية والثانية مادية والثالثة طلبية من أجل الآخرين.

قلت: وهل أنا الضعيف أطلب من أجل الآخرين؟

قال: الله يستجيب طلبتنا من أجل الآخرين مش علشان قداستنا
أو مستوانا الروحي لكن علشان تحننه ورحمته. فالله لما يشوف حد
يصلي من أجل شخص تاني يقول "الإنسان الضعيف الغلبان يحب
أخوه ويطلب من أجله بشكل دا" فيفرح ويستجيب، فهو يستجيب
من أجل محبتك للشخص. فأى شخص تلاقى أنك بتحبه صلي من
أجله حتي لو ما طلبش منك كدا. وافتكرو أن الله بيستجيب مش
علشان خاطر قداستك لكن علشان خاطر محبتك للشخص دا فهو
إله المحبة والتحنن. ولسة قدام شوية هاتخذ حاجة اسمها صلاة الكرازة
ودى مهمة جدا.

قلت: معلومات جديدة علي يا أبي، تعرفنى قيمة الصلاة ومعنى
الصلاة وتشجعني أن أصلي من أجل أسرتي ومن أجل أصدقائي ومن
أجل اللي أعرفهم وأحبهم وأستغل الوقت المقتول بدل من أن يضيع
فى اللاشئ.

قال: نلخص اللي قلناه. فيه ثلاثة حاجات في أهمية الكتاب

المقدس

قلت: تغذية ونور وسلاح

قال: وثلاثة خطوات عملية في القراءة اول حاجة

قلت: وقت محدد ومحدود يعنى نثبت وقت ونحدد كمية

قال: تانية حاجة

قلت: صلاة الفهم " يارب علمنى وفهمنى عاوز تقول لى ايه

النهاردة"

قال: ثلاثة حاجة

قلت: عيش ومثل وصلّى. يعنى نعيش الوصية ونمثل المواقف

ونصلّى بالوعود والكلمات

قال: نتقابل المرة الجاية يا ابني ونكمل كلامنا عن السقوط

المتكرر. سلام يا ابني.



للحصول على باقى المجموعة PDF

من خلال هذا الموقع

mbade2.com

أو لسماع الأجزاء مسجلة بشكل درامى

soundcloud.com/mbade2

سعر النسخة من أى جزء: ٢٥ قرشا فقط.